



ХЭНТИЙ АЙМГИЙН ЗАСАГ ДАРГЫН
ЗАХИРАМЖ

2024 оны 06 сарын 10 өдөр

Дугаар А/336

Хэрлэн сум

Шуурхай штаб байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Гамшгаас хамгаалах тухай хуулийн 32 дугаар зүйлийн 32.1.1, 32.1.3, 32.1.8, 32.1.12 дахь, Засгийн газрын 2015 оны 286 дугаар тогтоолыг тус тус үндэслэн ЗАХИРАМЖЛАХ нь:

1.Үерийн болзошгүй эрсдэлээс урьдчилан сэргийлэх, бэлэн байдлыг хангуулах, хариу арга хэмжээг шуурхай зохион байгуулах үүрэг бүхий Шуурхай штабыг 2024 оны 06 дугаар сарын 03-ны өдрөөс байгуулсугай.

2.Шуурхай штабын ажиллах удирдамжийг нэгдүгээр, бүрэлдэхүүнийг хоёрдугаар хавсралтаар тус тус баталсугай.


3.Үүссэн нөхцөл байдлын хариу арга хэмжээг шуурхай зохион байгуулж сумд, тосгодын шуурхай штабт дэмжлэг үзүүлэх, мэргэжлийн удирдлагаар хангаж ажиллахыг Онцгой байдлын газрын дарга (хурандаа Ж.Эрдэнэбат)-д үүрэг болгосугай.

4.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Л.Батсайхан)- д даалгасугай.

ЗАСАГ ДАРГА



Ц.ЧОГСОМЖАВ



Аймгийн Засаг даргын 2024 оны
06 дугаар сарын 10-ны өдрийн
дугаар захирамжийн нэгдүгээр хавсралт

ШУУРХАЙ ШТАБЫН АЖИЛЛАХ УДИРДАМЖ

НЭГ. ЗОРИЛГО

1.1. Шуурхай штаб (цаашид “штаб” гэх) нь гамшиг, ослын үед нөхцөл байдлыг үнэлж хариу арга хэмжээг шуурхай хэрэгжүүлэх, холбогдох байгууллагуудын харилцан ажиллагааг зохион байгуулах, удирдлага зохицуулалтаар хангах, тулгамдсан асуудлыг шийдвэрлэх чиг үүрэгтэй ажиллана.

ХОЁР. ШТАБЫН БҮТЭЦ, ЗОХИОН БАЙГУУЛАЛТ

2.1. Штабын өдөр тутмын үйл ажиллагааг ажлын хэсгийн дарга, нарийн бичгийн дарга нар удирдан зохион байгуулж, нэгдсэн шуурхай штабын дарга хяналт тавина.

2.2. Штаб нь гамшиг, аюулт үзэгдэл, томоохон хэмжээний ослын нөхцөл байдалтай уялдуулан гамшгаас хамгаалах алба, мэргэжлийн анги, сумдын шуурхай штабын үйл ажиллагааг мэргэжил, арга зүйн дэмжлэг үзүүлнэ.

2.3. Штаб нь ажлын хэсгийн ахлагч, нарийн бичгийн дарга, гишүүд, төлөвлөлт, ажиллагаа, нөөц хангалт, захиргаа- санхүүгийн баг, хэвлэл мэдээллийн хэсгээс бүрдэнэ.

2.4. Штабын бүрэлдэхүүнд гамшгаас хамгаалах алба, мэргэжлийн анги, улаанзагалмай хорооны төлөөлөл (холбогч ажилтан)–ийг ажиллуулна.

2.5. Штабын бүрэлдэхүүн 08:30-17:30 цагийн хугацаанд үүрэг гүйцэтгэх бөгөөд шаардлагатай тохиолдолд ажлын хэсгийн ахлагчийн шийдвэрээр ажлын тусгай горимоор (уртасгасан цагаар) ажиллана.

2.6. Штаб нь гамшгаас хамгаалах өдөр тутмын бэлэн байдлын ногоон зэрэгт штабын даргын баталсан хуваарийн дагуу үүрэг гүйцэтгэж, өндөржүүлсэн бэлэн байдлын (шар) болон бүх нийтийн бэлэн байдлын (улаан) зэрэгт идэвхжинэ.

2.7. Өндөржүүлсэн бэлэн байдлын (шар) зэрэгт штабыг хэсэгчлэн идэвхжүүлнэ.

2.8 Бүх нийтийн бэлэн байдлын улаан зэрэг (улаан) зэрэгт штабыг бүрэн идэвхжүүлэх бөгөөд үүссэн гамшгийн нөхцөл байдал, цар хүрээнээс хамаарч өргөтгөн зохион байгуулж болно.

2.9. Штабын бүрэлдэхүүнд ажиллаж байгаа албан хаагчдын илүү цагаар ажилласан цагийн бүртгэлийг үндэслэн томилон ажиллуулсан байгууллага ажилтанд нэмэгдэл хөлс, шагнал, урамшуулал олгох асуудлыг шийдвэрлэнэ.

ГУРАВ. ШТАБЫН ЭРХ, ҮҮРЭГ

3.1. Штаб дараах эрх, үүргийг хэрэгжүүлнэ:

3.1.1. Засгийн газар, Улсын онцгой комиссын шийдвэрийн хэрэгжилтийг зохион байгуулах, хяналт тавих, гамшгаас хамгаалах алба, аймгийн Онцгой комиссын үйл ажиллагааг уялдуулах.

3.1.2. Гамшгийн аюулын бүх нийтийн болон хэсэгчилэн зарлан мэдээллийг дамжуулах.

3.1.3. Гамшиг, аюулт үзэгдэл, ослоос сэргийлэх, тэмцэх хариу арга хэмжээг төлөвлөх, зохион байгуулах;

3.1.4. Гамшгаас хамгаалах бүрэн болон хэсэгчилсэн бэлэн байдлын зэрэгт шилжүүлэх цуцлах санал гаргах.

3.1.5. Нөхцөл байдалтай холбогдуулан хариу арга хэмжээнд төрийн цэргийн байгууллагыг татан оролцуулах саналыг гаргах,

3.1.6. Гамшгийн хор уршгийг арилгах ажиллагаанд гамшгаас хамгаалах улсын болон орон нутгийн алба мэргэжлийн ангийн хүч хэрэгслийг татан оролцуулах, хуваарилах,

3.1.7. Техник, тоног төхөөрөмж, багаж, хэрэгсэл, бараа материалын судалгааг гаргах, дайчлах, бүх төрлийн хангалтыг зохион байгуулах:

3.1.8. аймгийн онцгой комисс, иргэд, олон нийтийг гамшиг, аюулт үзэгдэл, ослын нөхцөл байдал, хариу арга хэмжээний тухай мэдээ, мэдээллээр хангах;

3.1.9. Иргэдийн санал, хүсэлт, өргөдөл, гомдлыг хүлээн авах, шийдвэрлэх хариу өгөх арга хэмжээг зохион байгуулах хангах.

3.2. Штабын дарга дараах эрх, үүргийг хэрэгжүүлнэ:

3.2.1. Штабын үйл ажиллагааг нэгдсэн удирдлага, зохион байгуулалтаар хангах

3.2.2. Штабын бүрэлдэхүүн, гамшгаас хамгаалах алба, мэргэжлийн анги, орон нутгийн шуурхай штабуудад үүрэг, чиглэл өгөх, биелэлтийг хангуулах, хяналт тавих

3.2.3. Үүссэн нөхцөл байдалтай холбогдуулан авч хэрэгжүүлэх арга хэмжээний саналыг аймгийн Онцгой комисст танилцуулах

3.2.4. Гамшгийн голомтод томилгоот хүч хэрэгслийг ажиллуулах, тэдгээрийг удирдлагаар хангах, байгууллага хоорондын харилцан ажиллагааг зохицуулах, удирдлагыг мэдээллээр хангах, хангалтыг зохион байгуулах болон хяналт шалгалт хийх зорилгоор удирдлагын шуурхай бүлэг томилон ажиллуулах;

3.2.5. аймгийн онцгой комиссыг мэдээллээр хангах;

3.2.6. Бусад.

3.3. Штабын орлогч дараах эрх, үүргийг хэрэгжүүлнэ:

3.3.1.Багуудын үүрэг гүйцэтгэлтэд хяналт тавих штабын даргын өгсөн үүргийн хэрэгжилтийг зохион байгуулах;

3.3.2.Үүссэн нөхцөл байдалтай холбогдуулан авч хэрэгжүүлэх арга хэмжээний санал шийдвэрлэх асуудлыг штабын даргад танилцуулах.

3.3.3.Багуудын үйл ажиллагааны төлөвлөгөө тайланг хянах авч хэрэгжүүлсэн арга хэмжээний талаар штабын даргыг мэдээллээр хангах.

3.3.4.Штабын бүрэлдэхүүний ажиллах нөхцөлийг бүрдүүлэх, ажил, амралтын цагийг зохицуулах, эрүүл мэндийг хамгаалах;

3.3.5.Бусад

---oOo---

Аймгийн Засаг даргын 2024 оны
06 дугаар сарын 10-ны өдрийн
А/336 дугаар захирамжийн хоёрдугаар хавсралт

ШУУРХАЙ ШТАБЫН ГИШҮҮДИЙН НЭРС

№	Овог нэр	Албан тушаал
1	Ж.Эрдэнэбат	Онцгой байдлын газрын дарга, хурандаа
2	Б.Бат-Эрдэнэ	Онцгой байдлын газрын орлогч, урьдчилан сэргийлэх тасгийн дарга, хошууч
3	Б.Сүнгээ	Газрын харилцаа, барилга хот байгуулалтын газрын дарга
4	Л.Цэнддорж	Аймгийн Засаг даргын тамгын газрын Цэргийн Штабын дарга, дэд хурандаа
5	Э.Жавхлантөгс	Цагдаагийн газрын дарга, цагдаагийн хурандаа
6	Л.Мэндбаяр	Эрүүл мэндийн газрын дарга
7	Г. Мөнх-Эрдэнэ	Байгаль орчин аялал жуулчлалын газрын даргын үргийг түр орлон гүйцэтгэгч
8	Б.Хэрлэнчимэг	Ус, цаг уур орчны шинжилгээний төвийн дарга
9	Л.Бат-Октябрь	Харгуй ТӨХК-ийн захирал
10	Г.Батгэрэл	"Хэнтий ус" ХХК-ийн захирал
11	С.Оюун-Эрдэнэ	Тамгын газрын хэвлэл мэдээлэл, олон нийттэй харилцах асуудал хариуцсан ахлах мэргэжилтэн
12	С.Болд	Хэнтий цахилгаан түгээх сүлжээ салбарын дарга
13	О.Од-Эрдэнэ	Мэдээлэл холбооны сүлжээ компаны захирал
14	Б.Нандинцэцэг	Хэрлэн голын сав газрын захиргааны дарга
15	Д.Баасанхүү	110/35/6 кв Өндөрхаан дэд станцын ашиглалт шуурхай үйлчилгээний инженер
16	Х.Уртнасан	Хүүхэд, гэр бүлийн хөгжил, хамгааллын газрын дарга
17	Ү.Энх-Ариунаа	Улаан загалмайн хорооны дарга
18		Бүх шатны Засаг дарга нар